

50 istorgias per festivar 50 onns Televisiun Rumantscha

■ (cp) Dumengia, ils 17 da favrer 1963: la Televisiun Svizra emetta l'emprim Balcun tort da la Televisiun Rumantscha. «Il maletg ei staus fuostgs e furmiclus», aveva scrit la «Gasetta Romantscha». Ed er il «Fögl Ladin» ha crittigà: «Vus avais do ün purtret dals Rumantschs tuottafat unilateral!». Dapi 1963 èn las emissiuns sa midadas e cunquai er ils parairis. 50 onns Televisiun Rumantscha, raschun avunda per RTR da raquintar 50 istorgias en radio, televisiun e sin l'internet.

Deplorablamain existan be intgins fragments da las duas emprimas emissiuns dal Balcun tort da l'onn 1963. Las moderaziuns da Luisa Famos n'èn deplorablamain betg pli da chattar en ils archivs da l'entira SRG SSR. En la memoria èn questas emprimas emissiuns tuttina anc – ils Cuntrasts dals 17 da favrer 2013 van a la tschertga da persunas che sa regordan anc dals emprims purtrets rumantschs en la Televisiun Svizra.

Ina da las persunas che ha lavurà onns ed onns tar la TR è Edith Hossle, la bun'olma da la televisiun a Turitg. Bleras redacturas e blers redacturs han gi da far cun ella – en il Profil dals 9 da favrer 2013 vegn ella a pled.

Luisa Famos è stada l'emprima moderatura da la Televisiun Rumantscha – oz modereschan Victoria Haas, Isabella Wieland ed Otmar Seiler il Telesguard. Tgi ha moderà tranteren? Ina seria en il Telesguard va a la tschertga da figuras cun lur frisuras dals davos 50 onns – ed



Ernst Denoth en il Telesguard dals 7 da matg 2004. Per il giubileum moderescha el ils 08-02-2013 puspè in Telesguard.

MAD

en il Telesguard dals 8 da favrer 2013 moderescha puspè ina giada Ernst Denoth in'emissiun dal Telesguard.

En il decurs dals ultims 50 onns ha la TR purtretà in grond dumber da persunas enconuscentas e main enconuscentas. En ina seria tant en il Telesguard sco er al radio visita RTR quellas persunas e sa dumonda: Tge fan quellas persunas atgnamain oz?

La pli murdenta emissiun en l'istorgia da la TR è stà il Muschkito. Satira dira, senza remischun e senza tema da persunas politicas u autoritads – da lezzas uras ina emissiun fitg provocanta, che ha la fin finala stui ceder al squitsch d'ordaifer. La Marella dals 24 da favrer 2013 lascha repassar muments impurtants e highlights dal Muschkito.

riur moderatur Ernst Denoth moderescha puspè 11-15-02-2013, 17.40 sin SRF 1; Telesguard: Festas, figuras e frisuras dals davos 50 onns 17-02-2013, 17.25 sin SRF 1; Cuntrasts: Ina idea torta! L'emprima emissiun dal Balcun tort 18-22-02-2013, 17.40 sin SRF 1; Telesguard: Tge fa atgnamain...? – Visita a persunas ch'ins ha vis en emissiuns da la TR

Radio Rumantsch

09-02-2013, 09.00; Profil: Edith Hossle, la «bun'olma» da la TR, sa regorda 11-16-02-2013, 06.40/10.55; Impuls: aspectatur attents sa regordan 11-22-02-2013; Actualitad: las anecdotes or dal truclet da la TR 15-02-2013, 11.00-12.00; Actual da mezdi: Anteriurs manaders en discurs: Giusep Decurtins, Peter Egloff e Mariano Tschuur 18-23-02-2013, 06.00-09.00; Actual la damaun: Tge fa atgnamain...? Visita a persunas ch'ins ha vis en emissiuns da la TR 24-02-2013, 09.00; Marella: Il Muschkito – l'emissiun la pli murdenta en l'istorgia da la TR

Il program en detagl

Televisiun Rumantscha
08-02-2013, 17.40 sin SRF1; Telesguard: l'ante-

Pagina d'internet

www.rtr.ch. Durant il 2013 mintg'emna ina truvaglia or da l'archiv da la TR e la pussaivladad da gudagnar ina televisiun

